

小山詩餘

小山詩餘目錄

卷一

香濤集

十六字令

浪淘沙

豆葉黃

浣溪沙 二闕

菩薩蠻 三闕

采桑子 二闕

睂峰碧

卜算子

清平樂

梁州令

南柯子 三闕

虞美人

踏莎行

更漏子

一絡索

蝶戀花 三闕

天仙子

一斛珠

臨江仙

三闋

漁家傲

釵頭鳳

風入松

蘇幕遮

芭蕉雨

感皇恩

二闋

青玉案

行香子

水調歌頭

齊天樂

真珠簾

倦尋芳

暗香

蝶戀花

采桑子

南柯子

臨江仙

憶王孫

海棠春

眼兒嬌

鷓鴣天

蝶戀花

行香子

臨江仙

三闋

卷二

紺寒集

荷葉杯

二闋

南柯子

生查子

巫山一段雲

二闋

海棠春

減字木蘭花

南柯子

三闋

破陣子

少年游

蝶戀花

虞美人

三闋

鵲橋仙

相見歡

惜雙雙令

散餘霞

雨中花

河滿子

清波引

法曲獻仙音

陌上花

勸金船

天香

桂枝香

五綵結同心

雨霖鈴

秋霽

漢宮春

西湖月

一萼紅

瑤花

一寸金

燕臺春

南浦

鳳皇閣

芭蕉雨

露華

宴清都

三姝媚

蕙蘭芳引

薄倖

惜餘春慢

曲遊春

綠意

轆轤金井

泛清波摘徧

望海潮

荷葉杯

四闋

踏莎行

二闋

賣花聲

二闋

更漏子

卷三

青綃樂府

惜餘春慢

醉蓬萊

塞翁吟

安平樂慢

鳳皇臺上憶吹簫

南鄉子

八歸

應天長

酹江月

壺中天慢

水龍吟

甘州

百字令

怨王孫

塞孤

小重山

貧也樂

長亭怨慢

雪獅兒

南柯子

菩薩蠻

喝火令

於中好

玉京秋

璫龍四犯

金縷曲

蘇武慢

西江月慢

霜天曉角

千秋歲

附錄

浣溪沙

五闕

南柯子

二闕

祝英臺近

二闕

南浦

高陽臺

卷四

初禪綺語

浣溪沙

三十闕

旗亭夢囈

謁金門

清平樂

蕃女怨

荷葉杯 二闕

烏夜啼

浣溪沙

虞美人

減字木蘭花

南柯子 二闕

訴衷情近

侍香金童

惜黃花

醉落魄

花犯

西江月慢

玉漏遲

解語花

探芳信

夏雲峰 二闕

春草碧

滿路花

最高樓

憶舊游

南浦

夢玉人引

一絡索

選冠子

陌上花

齊天樂

一萼紅

小山詩餘目錄終

小山詩餘卷一

太倉王時翔抱翼填原字
臯謨

香濤集

十六字令

行紅葉階前響屧聲無人見涼月照殘更

浪淘沙

寒入小樓昏月色三分棗花簾子水沈熏一樣繡針金
翦地位置偏文

豆葉黃

朱樓西畔夕陽黃乳燕飛飛宿畫梁茉莉花開小簾涼
好思量一箇閒庭六扇窗

浣溪沙

消減惟應鵲鏡知。壓肩濃綠鬢鬟欹。病容扶起淡黃時。
碧院無人春寂寂。畫樓有燕雨絲絲。藥煙影裏過相思。

又

小蕊猩紅啓瓠犀。綠陰門巷有鶯啼。半障羅扇眼波低。
影似風前荷瀉露。情如雨後絮黏泥。慙慙斜日度花西。

菩薩蠻

銀塘演漾飛鷓鴣。矮紅闌畔綃裙立。一路藕絲風。水亭
殘雨中。照溪粧裹淡色妬。芙蓉盪。新霽嫩涼天。月和

團扇圓

又

曉妝纔罷呵纖手熏爐半擁芙蓉袖
壓髻蠟梅香紅綿映淡黃
拂牋羞咏絮別欲題新句
硯凍墨花乾人憐玉指寒

又

翠翹偏側瑤釵溜春蔥低剔鞦尖瘦
扶影下蒼苔閒愁何處來
畫眉元小鳥却愛名兒好
欲比住雕籠鎖郎香閣中

采桑子

梨花小院東風謝無主殘春燕子尋人巷口斜陽記不

真個儂背面羅窗下粉淚偷勻立到黃昏淡月微風
上繡裙

又九日作

涼波倒浸層樓影疎柳寒塘簾裏重陽一朵秋花點鬢
黃無端惹起離人恨不住迴腸約略新離曾把茱萸
酒數行

睂峰碧

盜菊殘還未月影搖窗碎戲學藏鉤賭酒杯得勝處矜
明慧秀靨紅潮起曼睂生微淚一盞陪郎十盞乾算
來不合儂先醉

卜算子

病入薄游中人落西風際一鬢秋蘭記昔年小閣偎儂
醉今夜客窗清月照蛩音細也不思量把酒杯況有
心情睡

清平樂

盈頭花草又見雙文了說道今朝天氣好斜倚畫闌濃
笑多情誰似東風飄然直度簾櫳吹出幾重衫影淡
黃輕綠殷紅

梁州令

紅樹青山曲一帶野花風颭攬歸供作鏡臺秋有人細
與評濃淡紙窗入夜銀燈閃寫影明於染借成幽賞
拚坐深更邨酒香而醺

南柯子

石湖
即目

雁宿蘆葦冷魚牽荇帶長西風送我過橫塘六幅銀帆
飛破石湖光山脚輕煙碧波心夕照黃行春橋上畫
衣香獨樹桃花八月斷人腸

又

疊巘雲光接濃陰樹色連木蘭艇子綠波灣風影輕翻
紅袖拂低闌照水愁蛾斂看山笑靨圓沈吟半刻躡
香肩應有春遊詩句寫吳牋

又

鏤管拈沈綠春裙翦淡黃描花隱約寄柔腸要繡紅蓮
雙朶葢鴛鴦倦起憑雕檻閒行轉曲廊櫻桃欲謝惜

年芳獨立無人深院看斜陽

虞美人

賭書笑覆龍團枕更握青湘管斜陽半射水晶簾分得
玉臺新體試同拈晚庭風弄蕭蕭竹閒步携纖玉雙
肩戍削顰鬢鵲階下沒鞋紅葉扣秋花

踏莎行

嫩嫩煙絲輕輕風絮絳旗斜颭秋千處花枝照得盡樓
空薄情燕子和人去冷落闌干淒清院宇夕陽西下
明殘雨一雙紅豆寄相思遠帆點點春江路

更漏子

碎萍青圓荇碧舒翅蜻蜓斜立梧葉雨藕花風水窗三

面通 是何人當檻倚隨意淡妝偏麗衫白紵鬢烏絲
紅榴短短枝

一絡索

青粉墻頭榆莢更交梧葉湖山石後小房櫳見背影珠
裙褶 知是怎生纖嬾但聞輕屨茸茸芳草暮煙深亂
撲著雙黃蝶

蝶戀花

南園
秋暮

瀟灑園亭湖石好客未來時只有茶煙裊山桂落殘風
自掃黃衣蝶抱秋棠老 檢校生涯閒不了暝色無端
飛上疎林表一曲清溪人獨釣打頭紅葉棲鷗闌

又

次漢辭
韻二闋

拈酒熏香都不耐，鈎起湘簾晚色。初堪愛、微月小，闌黃一派。白棠花下，沈吟拜。拆去秋千，幽徑改。斑竹圍屏，隔著深深態。手攬畫裙雙鳳帶。夜寒幕把東風怪。

又

涼透西風秋欲暮。記起當年清照。消魂句。人病不窺簾外路。黃花自瘦無人處。苦茗一甌香一炷。疊徧銀箋。懶把秋詞做。昵語已遭歸燕絮。嫩晴天更闌珊雨。

天仙子

舟行
卽景

江上蕭騷楓幾樹。一羣冷雁飛蘆渚。澹黃雲影落篷窗。疎疎雨。斜斜去。又被晚風輕約住。

一斛珠

夜來聞雨羅幃越覺孤眠苦玉人微病深深處一點紅
燈燕子寒相語 可惜春光留不住知他薄倖今何許
卜花曉起添愁緒纔捲珠簾却又飛香絮

臨江仙

柳徑低迷畫閣萍池倒映紅闌石榴一朶照香鬟眼波
生細纈睂月鎖輕彎 展卷乍臨烏几拂塵旋試麝丸
戲褰蕉葉代魚牋玉纖書格美雪腕釧光寒

又

不斷柔情春水似迢迢那計西東午眠初起玉釵鬆畫
屏離思遠羅袖淚痕濃 雲水黏天樓外路捲簾試認
狂踪一雙燕子夕陽中莫銜殘鬢影吹向落花風

又次漢
舒韻

一段旅情無處著閒眠中酒平分燕歸窗黑又黃昏燈
微屏背影淚暗枕留痕夢入怨花傷柳地分明有個
人人壓簾香氣倚輕裙小園風雨後扶病問殘春

漁家傲

采蓮曲

銷夏灣頭荷十丈娃兒十五清歌響素足紅裙風蕩漾
能弄槳身輕舟小迎流上花裏逢人羞欲障憐郎隔
葉還偷望笑指鴛鴦飛兩兩君自想東邊蓮子西邊浪

釵頭鳳

瓊窗口雕闌右輕煙半羃梨花瘦燕兒尾鶯兒嘴都來
勾引酒情春思醉醉醉銀燈後蛾睂皺知他一樣孤

眠否分離意相思味裙量繡帶袖彈紅淚寄寄寄

風入松

海湧峰
即目

一峰晴翠暝煙熏游冶趁殘春玉人笑語朱闌畔依稀
似放誕文君短簿祠前相見武當山後愁分錦鴛雙
履躡輕雲出沒豔綃裙分明衆裏重迴首情多處依戀
斜曛應恨蘭舟催發整釵一照波紋

蘇幕遮

次乾
初韻

不須留儂去罷纔轉身時又作愁人話腸斷春風楊柳
下落日看看早月兒來也兩眉低雙袖把直恁情多
怎忍輕拋捨一笑重回離恨卸竝坐紅窗且再過今夜

芭蕉雨

墻脚水仙初發玉人拋繡綫潛來折纖指半擎清絕最愛紅袖垂垂香肩無骨疎櫺眼尾乍接怎赤了雙頰不是敢輕狂相唐突須記取小年時那夜闌角微風簾衣新月

感皇恩

寒色亂昏鴉小窗人醉袖捧金釵擁衣睡幾條涼月閒共碧籠煙細醒時眠不得還重起舊夢已遙後歡難繼一點眞誠感郎意倚屏無語殘燈落炮紅碎只將鴛錦帶揩雙淚

又

小閣晚澄灣水窗低挂團扇紗裙坐良夜荷風消暑葉

八言食才一
葉清香無價月明星影淡銀河瀉 玉體易涼冰肌生
粟的皦真珠露流乍蘭房深靚背壁燭花將謝被輕珍
簾滑金鈎下

青玉案

暗飄玉笛高樓暮更誰管人羈旅早睡何曾央夢去殘
燈挂壁破窗鳴紙一枕相思雨 起來欲寫相思句惱
斷愁腸心不聚須待與伊當面訴安排茶碗畫屏深處
鎮日低低語

行香子

咏簾

錦額煙絲銀蒜香絲畫簷深花影來遲湘痕帶淚映箇
人兒便蝶兒黏蜂兒打燕兒窺 翠髯光微紅履尖微

總因他露出相思怯春小倚柳絮慵吹任月中開風中
押雨中垂

水調歌頭

春院百花競樺燭夜筵燒海棠一樹凝豔的的向人嬌
揭起深沈簾幙擁出吳姬十六吹裂紫瓊簫酒醒在何
處別恨壓輕舠四天青孤月白曉星高宿鷗驚舞煙
際露滴綠楊條獨自此情誰展回首玉樓天遠清淚灑
江湖翻羨紅綾束常抱美人腰

齊天樂

陰陰木葉遮深院珠簾半鉤梅雨潤入琴絲滴開蕉卷
金獸水沈低炷兩枝瓊樹趁小閣幽閒凭肩私語細淪

清泉紫甌浮雪漾花乳 爲歡誰道晝永濕雲看漸散
斜照微吐淡月黃昏低闌薄袖倚皺一痕金縷畫譙聞
鼓更窗下分燈競標新句繡被濃熏霧籠雙彩羽

眞珠簾

清陰疎柳聽鸝院醉憎騰細品龍團盈碗綿樣玉葱遞
與雪花輕濺低問餘醒醒也未且穩坐漫吟詩卷猶倦
有玉簾橫鋪翠屏斜展 林杪已挂殘陽風簾半揭棋
經對按一抹暮煙生早月圓如面攜手相將清話久把
綠粉闌干憑煖重看愛茉莉香鬟晚粧新換

倦尋芳

立夏
日

畫梁乳燕飛下銀屏偷說春去曉起餘寒猶捲一簾殘

絮倚桐陰簪杏子簇盤櫻筍初嘗處早思量整輕紈月
扇單綃煙縷被東皇裁花翦柳惹得人兒消瘦如許
暗祝薰風吹展兩蛾愁聚嫩綠新遮芳草陌落紅淨洗
香林雨又生憎晝厭厭繡針慵度

暗香

食蟹

晚窗孤守正滿城風雨重陽時候多謝雙螯八跪能消
客中酒玉膾金齏漫數曾得似無腸公不覺風味瀟灑
冠他水族也非謬回首暗睂皺記小閣鉤簾勸人醉
後微揎羅袖轉過曲廊下階走月裏自尋菊盞只道是
拘花同嗅悄地箇摘嫩葉與儂搓手

蝶戀花

曉揭風簾猶帶倦獨下瑤階繡履輕裘展朶朶香蘭釵
上顫苔衣露滑纖腰軟花事闌珊飛絮滿庭角殘枝
幽鳥啼紅怨多病藥爐煙未斷檻邊莫信春寒淺

采桑子

榴花

連朝梅雨端陽近阿措花開深院閑堦鳥啄猩紅下翠
苔綠窗記得傾蒲酒曾有人陪斜點金釵襯出香符
綵勝來

南柯子

蕙帳人無賴銀屏恨不禁曉來新夢恁關心髣髴玉壺
親自與君斟插髻花枝妥鈎簾草色深別時直望到
如今歸路粉雲香雨做春陰

臨江仙

燈火闌珊清漏急夜深著體輕寒箇人背立畫屏間舊
紅衫袖薄新繡縷鞋鮮一寸橫波千丈恨魂消似削
雙肩便蒙憐惜也徒然桂堂東畔路彈淚已三年

憶王孫

灞陵攀柳恨綿綿會意驂騑不肯前疊疊青山杳杳天
向誰邊舊夢空餘滿抱煙

海棠春

東風駘蕩楊花舞怎忽地把春催去人意已闌珊又是
蕭蕭雨玉卮不耐斟香醕自起撥水沈煙縷和影訴
年華梁燕聞私語

眼兒嬌

碧藕飛絲寸腸柔誰與割閑愁開簾待燕倚闌迎月憶
在紅樓玉驄嘶出懽叢去蕭瑟冷如秋雲光黯黯雨
花片片風葉颼颼

鷓鴣天

錦字書成夢不成半憐消瘦半牽情依依病柳涼逾弱
怯怯秋棠晚更清煙淡薄月分明珠簾微度綵雲輕
焚香繡被孤眠夜腸斷花闌下鏤聲

蝶戀花

碧樹蕭疎斜日漏雪藕調冰已過炎蒸候幾許西風吹
薄袖畫闌人似秋光瘦綵線慵拈誰耐繡玉骨支離

莫使新涼透露下
蟲聲添倻傺
月明珍重分携後

行香子

玉刻香鈿山翠雲稠
論蘭閨定占千秋
花階躡影繡箔
迴頭但聆嬌音
窺笑靨接清眸
莫莫休休有願難酬
未須諧鰈枕
鵲綢疎簾小檻
月澹風柔待近
隨肩輕把
袂細言愁

臨江仙

紫棟飄香新竹粉
小樓樹色惜惜
一簾絲雨好閒吟
龍唇硯近素袖
墨痕侵
鮮美銀鱗江上到
簇盤盧橘如
金藏鈎得勝稱
儂心玉壺清酒自起
爲君斟

又

桂楫銀帆移畫艇春塘小泊清槐錦隄花印縷金鞵香
含荳蔻未上九雛釵年少兒郎空玉雪爭窺未慙幽
懷就中倦客久風埃酒情詩思猶惹眼波迴

又

紅板橋頭濃綠布人家一帶高槐鷓鴣斑簾底逗弓鞋綵
符欹側斜映水晶釵佳麗靚妝疑見畫枉牽孤客情
懷筍興迎去剩香埃碧雲芳草誰念首千迴

男景元校刊

小山詩餘卷一

小山詩餘卷二

太倉王時翔抱翼填

原字
鼎謨

紺寒集

荷葉杯

花浦翠煙香
雨吳女聽吹簫
細蛾攢綠倚輕槳
閒想背紅橋

拍水綵鴛驚起
花裏見歡時
兩舟相並弄溪碧
風逆得歸遲

南柯子

題桃花
畫扇

碎綺裁春色
明霞暈玉容
小樓人醉倚東風
記得軟楊絲裏一枝紅

生查子

苔堦長綠痕，蕙生紅夢捲。起水精簾，人在朱闌角。
深院開魚鑰，微步鬟花落。春去尚餘寒，莫被風吹著。

巫山一段雲

山中漫興

雲氣青山背，人家綠樹中。晴川煙草晚濛濛，野艇趁樵風。
石岸蹄聲犖，月下誰敲牛角。一犁花雨愛春耕，飄泊悔平生。

又

燒筍雲邊寺，收茶雨後山。逢人笑指隔溪煙，家在白鷗灣。
一稜秧針已綠，春漲拍堤初足。雛雛鷺鴨亂青茭，散步過斜橋。

海棠春

輕風吹落殘紅片却誤怪穿花雙燕背立把青枝淡影
斜陽院 窗蕉葉葉當心卷欲寄恨題詩又嬾暮色漸
昏黃隔箔聞微嘆

減字木蘭花

翠鬟粉頸露坐裙襦明月映雪樣輕紗兩點紅餘繡履
花 深堂風軟六尺含漪湘簟展好放銀鈎隔帳荷香
夜更幽

南柯子

錦軸閑常卷朱絃靜不張西風簾下自然涼況是怯秋
人起獨眠床 語別雙歸燕啼愁幾暮蟄小庭梧竹間

青黃一帶淡煙新月接殘陽

又

碧柳春檐雨青梧夜閣風箇人香夢恰朦朧又是和衣
熟睡小屏中薄髻傾濃綠清燈暈小紅玉爐熏被半
牀空一縷水沈煙裊繡芙蓉

又

麗影收青鏡香雲綰碧螺盈盈一笑整裙拖今日薄綿
初脫換單羅撲蝶懷輕扇聽鶯步淺莎柳陰垂處懶
重過怕見畫橋流水落紅多

破陣子

小院霏霏雨過新梧葉葉陰清宿蝶倒棲猶未穩離燕

低飄便覺輕午闌天半晴
六扇紅紗深掩斜陽一角
微明不道送春歸去後更有閑愁約略生倦眠金粟屏
少年游

石榴深院背花眠細雨挾梅天霎時驚起遠林鳩喚霽
色斷虹邊江帆片片隨雲去何處問歸船記得年時
鳳團盧橘共對一爐煙

蝶戀花

武陵
偶見

古驛秋槐疎葉隕倦客無憀脉脉斜暉盡幾曲闌干憑
不穩亂鴟啼處西風緊賣酒橋邊青旂引一朵芙蓉
秀靨紅生暈說與家鄉山隱隱何煩笑向壚頭問

虞美人

雨多五月輕綿在獨客愁如海清吟未穩凭危闌一點
歸心飛入暮雲寒綠陰不隔藏嬌院隱隱疎簾捲繞
腸已是怕思家更見玉人頭上梘榴花

又

太湖舟中二闕

白蘋風急衝煙去只怕驚鷗鷺絲絲細雨濕輕帆臥看
亂山潑翠水接藍愛他縹緲蜂尤好一帶濃雲繞欲
尋野客結清遊身作橙黃橘綠畫中秋

又

漁帆漾漾西風小漸泊沙邊島將魚換酒不論錢生怕
蘆花深處水雲寒憐余未逐鴟夷艇心折閑中景秋
山紅樹夕陽邨好種湖田十畝老柴門

鵲橋仙 乞巧

新蟾影裏靈星光下纖手冰爪涼怯綃裙牽地悄臨堦
把蟾子偷藏玉合 絲抽五彩鍼拈七孔香口致辭稠
疊蕭郎潛聽未分明奈絡緯齊鳴豆葉

相見歡

漱芳居梅花
下送吳思緒

巡簷却皺睂頭亂鄉愁勸酒瓊妃相送玉京遊 溪邊
月枝邊雪思悠悠好載一船詩興過揚州

惜雙雙令

天外斷虹收宿雨殘夢醒蕭郎何處心折歸舟路雁沙
細認屏山譜 落梧庭院西風度愁病在慙慙微步自
繞黃花暮淡煙翠入秋衫縷

散餘霞

用毛東堂韻

雕籠暝色鴛鴦啼覺盡樓更靜開鏡低挽雲絲換犀簪
未定 闌邊粉郎醉凭看兩蛾殘暈微顰髻畔花香治
三分酒病

雨中花

蓼花

點點江霞染濕宛宛柔絲欲緝似借垂楊千尺線密綴
珊瑚粒 素葦青蘋應不及只可惜繫船風急最好是
碎紅斜照裏亂糝秋漁笠

河滿子

留別吳興郡丞高乘亭

一路溪蘋浮碧四山木葉飄黃画槳銀帆斜弄影順風
送我輕航燒燭衙齋夜話新詩觸手生光 杯泛烏程

酒釀鑪煎顧渚茶香醉立彎環斜月底猶餘小杜清狂
莫遣水嬉娛客髻絲已點秋霜

清波引

帆影借
玉停賦

曉寒初犯半懸處鷺汀放纜岸花墮豔游魚蔭喁噉一
霎翦江快却逐朝陽開掩誰移片葉行雲障波底碧天
淡離愁默感想凝望多少被賺軟鋪輕蘸倩飛破菱
鑑高樓柳陰外幅幅暝煙低閃應有翠袖憑闌玉纖遙
點

法曲獻仙音

贈碧
仙

鳳閣依山珠胎映月少倚渭陽宮監削翠纖眉垂璫玉
朶養護清姿閑淡更生性多聰慧宮商細尋勘故鄉

念整鞭絲紫騮歸探對花月芳時緩歌淒黯小拍按紅
牙聽輕圓時落珠點淨洗凡音縱春鶯啼處應厭這來
從天上那曉世間偷占

陌上花

贈小
菴

羊車絕妙年時照眼玉明花秀弱態珊珊戍削柳枝風
揉羅巾掩抑吹蘭語淺笑橫波低溜悵殘陽銀杏晚鷗
歸處喚人分手喜登塲再見瓊瑜輕蹴畫燭交光如
畫一縷雲凝宛轉唱殘紅豆聞歌覩影消魂死不憶鳳
裙鸞袖任春風十里珠簾高揭懶重回首

勸金船

用兩以詩招飲譜
其意爲長短句

落梧庭院秋如洗瑁璫空憔悴青錢三百堪供醉趁風

日清麗蟹買湖鄉新壓小槽浮蟻況是擘橙霧啜齏菊
香起尊前身世俱忘矣漫說悠悠事何妨小飲仍文
字只良友三四夜半丁然爲樂更陳壺矢點點燭花敲
盡休問歸未

天香

秋涯檢討得海南女兒香數枚甚秘重之俄以校經被命北上
先一日挈舟沙水鎮分贈北溪陳子屬衍其意爲填此詞

涎豈龍嘘斑非鷓鴣染珠娘借與芳號荔子紅邊佛桑花
外幾片異香傳到金閨名彥高臥愛江南春曉挂鐸風
琴添脆透帳霧絲輕裊天上芸編催校待重來御爐
煙繞持贈荀郎且向江鄉牽棹別後青綾縱煖也應憶
匡牀素簫好一縷餘情何時斷了

桂枝香

寄嘯
古

孤舟凍月記握手路岐無限淒咽彈指和風暑雨又逢
秋節清江百里蘋香路冷濛濛荻花如雪暮霏斜景城
樓獨上黯然愁絕奈望裏天低雁沒有蘭室書窗羈
榻曾設六載負交管鮑那禁疎濶茶煙小舫尋山去更
何人醉歌同發約君須待金英紫蟹舊遊重說

五綵結同心

秋夜感賦
示谷真

清溪遶舍密篠編籬恰稱灌園人住燈火新涼節愛偕
隱相對翻書緋苧半簾秋影梧桐老聽月底寒蟲細語
君休羨星珈霞帔飛去高居玉宇曾從桂梯尋路向
庭花宮閣杏花邨塢贏得三年裏斜陽下閑看江山一
度青氈翠袖如重認有舊日陵陽淚汗文窗外碧霄雲

葉逗破幾聲疎雨

雨霖鈴

點閱漢舒香雪
詞竟感題卷末

一編香雪剔寒燈坐滴淚翻閱風流詞客安在却愁閒
殺世間花月賸有酒鑪癡叔對麗製淒咽賞心處團扇
標題已矣郴江句應絕前塵影事分明說是夕陽小
院生周折紫蘭香徑孤塚費盡了夢花鵲血零落青衫
更没人知便冷吟骨算祇賴紅袖憐才地下相携挈

漢舒

所遇平原君有落花小院夕陽黃之句漢舒時時
對人吟之平原君已後漢舒填詞哀婉累數十閱

秋霖

早秋集
灑影軒

有屋臨溪恰乍上簾鉤蕩漾寒碧紫萼蘭香翠房荷氣
一時并難分得水禽格格帶波飛破斜陽色最可惜楊

柳病秋睂眼似無力 何事對景暗拍雕闌悄思當年
曾列歌席幸而今冰瓜玉藕相招猶是愛吟客貪坐夜
涼新露積正起愁處多謝竹院隣僧醒人清磬喚人橫
笛

漢宮春

題沈子大西山觀梅詩後

春閣懸燈見玉寒冰潔橫滿疎枝元來却是一卷撥雪
清詩空山老樹鎮無人湖水偷窺猶幸得愛香吟客年
年不負花期 西指翠巖深處有面溪雲屋曾傍瓊姿
黃昏幾番月色醉裏閑題板條嚼蕊恁風懷孤鶴應知
君莫把林逋好句生挑水部相思

西湖月

送玉傳遊西湖

春江一棹橫飛趁荻筍初尖
鴨波如縠此行真爲雙峰
聳翠兩湖明綠繁華南渡事
賸萬柳搓金梅綻玉却還
見處士山前珠殿壓雲高矗
當年落葉西風記瘦杖
纔停短篙爭逐酒邊樓閣
茶邊亭榭眼中猶熟僧廊殘
句在試細撥籠烟尋舊竹
好追取鐵笛風流更添新曲

一萼紅

寄顧梁汾先生

記年時愛銀牋細字佳客賭填詞
花影移簾月痕過砌
敲句曾費閒思徧尋取名流樂府
抄彈指小本枕中携
豔合紅牙豪叅鐵板風調雙宜
每到九龍山畔向文
星光裏暗認幽樓心挂雲峰路迷
煙樹孤艇東下依依
幸剛遇江頭春鯉附巴吟寄與
郢師知乞得圓明數顯

五色摩尼

先生贈言曾有君所爲詞與其論詞並據當今作者之上僕老矣然即未老亦須讓君出一頭地數語獎借過重未敢負荷也

瑶花

集拙園宮詹
廼與閣觀雪

瓊樓高矗剛對西山是神仙新築黃雲凝布飄冷絮失
却遙嵐蒼綠疎櫺齊展試憑眺花生雙目正萬家凍合
魚鱗阻斷畫輪朱轂開尊滿座貂檐有敝裘羈客同
瀉醺醖深宵倚檻貪勝賞微月流光交燭不禁寒重更
借煖熏爐紅玉趁醉眠夢到江南梅下小窗茶熟

一寸金

庚子暮秋與包
山友人夜話

玉宇瓊梯待瞰秋光又推墮恰石公山外白雲飄至陶
家籬畔黃花留坐殘葉生文火茶煙裊竹扉半鏤蕭閒
甚一縷清言似醉初醒夢初破轉悔當時三年京國

青衫輭塵澆算五湖浩蕩何妨遠泛奇峰縹緲儘容高
臥霜橘新紅麼幽林下矮亭結箇君歸也打了包兒便
隨乘釣舸

燕臺春

送王傳甘
泉入都

柳絮飄殘櫻桃熟後東風開老將離杳杳燕關三年鵬
息應飛聯翩佳友分携黯江干颿影鞭絲荻蘆留我郊
居獨賦西笑難期青雲有客白社無人芳隣枉卜樂
事猶遲殘書幾卷小車花下方移素北張南擬過從斜
對柴扉却誰知有夕陽一片做出相思

南浦

題香濤園
中小舫

幽築畫中無恁林園靚秀亭榭清敞管領屬閑人支頤

坐鎮日安排新賞銀塘幾曲潌洄抱宅涵春漲住慣花
天和月地添箇蘭舟水上不須更覓篙師有雪兒移
棹紅兒弄槳長晝載茶煙無人處好試蓮歌菱唱柳邊
斜繫夜闌只許鴛鴦傍多少他家桃葉怨蓀蓀一江風
浪

鳳皇閣

秋桐洗桐書屋分賦

記朱炎時候涼陰布幄一聲秋到井榦速閒向空階拾
葉好句應續悵人遠詩情未屬淒清滿耳色斂娟娟
翠竹夕陽瀟照晚風觸半墜衰黃只賸幾枝殘綠怎穩
得雙鸞竝宿

芭蕉雨

芭蕉

密與桐陰翠接小庭三兩本清炎熱可怕隱侯彈切惟
稱禪老書牋詩翁畫雪美人何處怨別緘信幾番拆
應最苦不眠秋時節總只向綠窗紗偏是繡被新涼風
搖破葉

露華

玉簪花

墻根一簇漸碧葉抽苗淡潔如玉不費礪磨名入鏡臺
奩錄悄倚月夜莎階粉綻半含香粟幽韻冷同時紫瓊
已自嫌俗纖纖可許偷握正雪樣橫枝斜綰濃綠誤
向倦眠孤館除下敲竹髣髴墮折搔頭人去漢宮難續
清露底空思箇儂妝束

宴清都

藕

卜踏金塘軟文波動欹紅殘翠零亂瑤姬素手綳衣細
褪井華親浣金刀切作團團愛碧月層堆玉盃飛絲起
色比湘裙低回未忍輕斷 瓊瓏一片甘香齒如裁雪
聲與漿滿仙郎渴病都應盡解漸稀茶殘蘭房瞥見餘
枝倚粉壁橫眠似懶恍朝來偷揭涼幮半舒皓腕

三姝媚

桐花

林園風不定翠瓊瓏一樹細花幽靚簇簇瓊瓏正露涼
朝閣越添清景漫惜因循偏誤了好春芳令應是江南
待鳳棲香彩翎雙映 寄遠柳枝休倩只垂在簾前折
來堪贈轉憶佳人薄袖拂銀床戲牽金井驚落瓊蕤擡
粉靨檀痕微凝驀閃羅羅新子紅袿乳影

蕙蘭芳引

晞髮通雲
廬分賦

晚樹斜橋參秒映碧流如玉恰歌發陽阿快絕頭輕新
沐竹牀自展殘照裏時梳時握風弄飄蕭影柳線荷絲
相撲一笑牽腸雲鬟同夢幾鬪芬馥奈憔悴潘郎先
有雪花點綠鳳樓人倚陡驚入日向鏡臺深處把蒼華
祝

薄倖

楊花潭影
軒分賦

謝橋春晚記夢蹋詩魂未嬾問向日青驄嘶處一去悠
揚誰見竟何堪愛近榆錢漫空不受東風管任繡幕遮
留纖蔥提取難得輕狂心轉聽驀地瀟瀟雨應打落
荒溝斷畝縱丁寧紫燕重來銜起粉香已被塵泥染淚

珠千點倩清江化作浮萍也怕漂流遠收身有路惟在
枯禪靜院

惜餘春慢

櫻桃護木齋
小集分賦

緗葉多陰丹萍早熟誰贈滿籠珍果嘗齊玉版弄鬪金
丸勻圓寫來愁破邀取花外中仙佳夢同傳麗詞相和
任華林芳景瑛盤榮宴故應無我春院靜小坼瓊芽
輕流星耀鶯嘴隔枝銜墮多情溫尉應憶曩遊斗帳紅
珠雙顆勻染胭脂鏡中一點猩脣微微芳唾更香絲挽
就自折階前花朵

曲遊春

新柳毛錫
汀齋分賦

嫋嫋春來路看嫩煙微靄勻染無迹一線睂兒解含愁

先有翠波偷識嫌怕輕寒勒悄立向凝粧樓側愛畫橋
淺淡鶯黃低襯水闌深赤霞漫擲章臺新色漸勾引青
驄嘶上芳陌宛轉難持記羊家靜婉小腰初覲幾日東
風力便挽起離情千尺此後燕翦鶯梳怎生惜得

綠意

新綠風雨
蒼分賦

采香乍定被夜來風雨芳林洗淨嫩葉柔柯漸覺森沈
裝點更饒幽景煙絲微潤蒙蒙茸碧恰小院蘚痕交映一
年此最佳時忘却落花淒冷 休道尋春較晚趁初霽
步屨閑園支徑幾樹榆槐幾本蕉桐依約翠雲千頃紅
樓已怕珠簾隔況又是陰陰欲暝怎奈他不斷鶯聲礙
了倚闌人影

輓轡金井

枇杷東山
齋分賦

糝空梅雨釀瓊漿萬顆炎精金鑄重歷低枝燦黃珠如
許上林誰注號盧橘幾人遺悞旁拂高臨清詞最愛謝
瞻之賦 毛公舊壇西路似永安禪舍渺在何處花下
橋邊閉門人又去年年摘取也應厭故園長住磊落京
都何時恣剝華林四樹

泛清波摘徧

瓶荷畫松
堂分賦

靚粧乘霧却扇凌波移自小紅橋畔路繡銅如膽斜曳
亭亭彩雲駐愁飛去螺屏影裏晶箔光中纔著冷颼輕
欲舉永晝端相靜挹幽芳暗消暑 悄延佇搖颺一莖
斷絲牽惹故情千縷待問雙鴛舊盟又憐無語渺前浦

三十六陂月明蒼茫盡迷煙雨且展桃笙覓睡領微香
度

望海潮

盆魚言志
堂分賦

苔階蕭寂花瓷平淺圓波一鏡分明銀鬕小張錦鱗低
躍居然羣戲清冷西日傍簾旌漾玉鈎斜影也被閑驚
庭樹飄英幾番吞吐似無情三千莫問前程向監河
倩貸斗水爲生文來自憐供人狎玩區區瓊碎微腥浩
蕩羨滄溟有丹砂作尾神鯉飛騰但免驚帆罣纜風捲
雪濤聲

荷葉杯

觀蓮
即景

天半砰雷激電龍見黑雲中打篷疎雨送涼到又早火

輪紅

舟樣白蓮塘裏一醉碧筩香夕陽斜繫柳陰下飄灑水風涼

涼愜雨珠風葉香靨碧綃衣竝棲瀾瀾各偷眼驚散又雙飛

轉棹晚風殘照歸好趁新涼折來花朵葉兒蓋剛載一船香

踏莎行

楊葉樓中棗花簾下盈盈有箇人如畫瓊瓏心地解憐人嫣然一笑千愁卸蘭槳催舟金鞭拂馬迢迢換了天涯也杜郎禪榻髣髴絲風今生甘守淒涼夜

又

玉鏡臺前絳羅窗下修蛾彩筆曾親畫下階雙笑握纖纖步搖替整瓊釵卸地認藍橋琴疑司馬狂言觸撥生嗔也驚心端坐誦三緘焚香乞懺無人夜

賣花聲

晚鏡倦臨粧只坐熏香是誰蝶夢遶回廊窺見露寒花有恨玉淚盈眶何似淡相忘不要思量針兒難透線兒長渺渺茫茫天一角隔了疎窗

又

却立看梳粧暗惹衣香下樓攜手坐西廊良會乍圓先怕別袖掩啼眶是處最難忘那不思量路兒爭比意

兒長判把懃懃心一片拋與瑯窗

更漏子

紫鸞雙青鳳兩縹緲碧城雲上蘭氣近玉光分同披綠
字勻蓬萊路三千阻留下清風一樹天似水月如霜
人間奈夜長

男景元校刊

小山詩餘卷二

小山詩餘卷三

太倉王時翔抱翼填

原字
臯謨

青綃樂府

梁故詞賦地也家小山先生少以詩文名間倚聲
填詞清綺婉約原本溫韋而推波助瀾入南宋名
家之室向有香濤詞數卷久膾炙人口今佐中州
文幕跡徧兩河得詞若干首題曰青綃樂府蓋取
白香山詩中語也予偶客梁出此編以見示諷咏
之餘縹緲蔥蒨洵如嵩雲之半卷矣標舉擬似雅
善自評覺半山之憑弔金陵東坡之寄懷赤壁猶
未免一往豪上茲編也寓激昂於蘊藉發沈鬱於

八言會集卷三
一
遙深可以挹白石之袂拍夢窗之肩雖曰詩餘殆
與枚馬諸賢後先輝映轉媿予亦游梁而不能出
片語以嗣響也康熙壬寅春正再姪恪拜手謹書

惜餘春慢

梁苑

碾瓦成沙填波架屋無復昔王亭檻疎煙淡抹小雨微
濛野花向人低糝休問枚叔鄒生七發徒存一書空感
便雪臺賦冷鳴皋歌歇盡增淒黯還記起西蜀才人
文園病客曾也曳裾觀覽淹留未遇著就雄篇忽動茂
陵追念而我來游自憐零落棲遲蕭然琴劍仗東風有
力吹斷青衫淚點

醉蓬萊

良嶽

緬繁華仙苑構造精奇道君曾駐玉洞瑤林待靈真相
語一夜金風萬花齊落枉採江南樹巧匠璽瓏斷殘山
骨天虧難補五國城邊借羊爲石認雪成花幾多愁
苦歸夢無憑悵東風虛度回首神京似圍弱水渺蓬萊
何處劫後惟留殘陽一抹蒼煙千縷

塞翁吟

信陵君墓

此最佳公子何事但繡平原敬愛客御夷門竟刎頸酬
恩臨風一送秦軍退毛薛又進良言魏旣重趙終存柱
半壁乾坤英魂經千古寒蕪冷樹應化作煙光雨痕
更待向何門跋履感君意縶馬荒郊旋馬空墩賣漿遺
老好約齊來一酌松根

安平樂慢

登蘇子由
讀書臺

誰遣先生飄然謫宦如舟學舍中來非防氣屈終恨頭
低岩嶷自築高臺萬事悠悠付一灣流水隔住黃埃別
駕語詠諧須知含諷含哀念天末佳人鋤蘭佩艾石
城燄壓奇才料理故書堆楚騷多怨忍頻開江左王郎
閒登眺繫馬林隈晴波點柳花如雪袖携落日方回

鳳皇臺上憶吹簫

青陵
臺

猶未高飛驀教分頸北山其奈張羅念韓郎安在忍負
前歌腸斷登臺眺望揅一霎珠卸風荷精靈聚雙鴛竝
宿連理交柯如何恁情薄也看敗節偷生自古偏多
笑息嬌無語淚眼空波況是龍興亡國巢換鳳酬答聲

和青陵後重聞墜樓金谷香娥

南鄉子

博浪沙

六合帝秦時第一英雄博浪椎心在報韓他未計誰知
賸有寒沙罨眼飛論古莫矜奇蘇子何言此擊非縱
使副車成誤中依稀豫讓酬恩斬趙衣

八歸

白雲山

閒行驪鞚鞭梢徐舉遙指翠巘峯傳聞靄碧霞紅處
曾有帝師遺世就中潛匿鳥盡弓藏人不悟漸漢法與
秦同密好自保一片蒼寒携筇採芝朮從此高飛已
矣隙駒相喻更入野鷄羅罽赤松安在引來商皓淒斷
戚姬鳴瑟想山中定是鶴怨猿驚怪重出徘徊晚半鉤

殘月隱隱星光濃雲深似漆

應天長

金堤

黃河遠瀉高浪駕天中原幾許盤折無數名城腴壤時
時被衝齧奔流駛何處泄況更是濁沙難刷賴千里屹
起堅堤今古如鐵憂旱禱桑林一滴甘泉方比眼中
血那曉怒濤秋漲翻飛半空雪長虹遭暗揭看浩渺化
蛟龍穴水收後頽屋荒邨祇剩嗚咽

酹江月

平淮西碑

元和天子命裴公秉鉞蔡州重復從事爲辭持大體君
相同心實錄雪夜微勤何須婦女含淚深宮瀆眞堪一
噓竟將石換和璞猶賴陳守遙臨鐫韓削段洗去前

朝俗千載文章多定論不比興亡翻覆拂拭殘碑摩挲
往跡雨蝕苔痕綠題詩未敢玉溪高唱難續

壺中天慢

劉伶墓

宿醒微倦又鞭絲低拂草頭晞露牛背邛童相借問云
是劉伶之墓一頌空傳長埋終此落葉飄乾土酒難重
到錦囊消受奇句應是遺恨生前銜杯未足冷荒墩
誰訴寄語閨人休苦諫我亦醉中尋趣風物東吳黃柑
紫蟹缸面清香度玉驄歸近糟牀及早勤注

水龍吟

昆陽城

真人特起春陵昆陽自古稱雄戰一丸頽堡三千弱卒
驚雷掣電尋邑區區浪稱大敵弄兵百萬看回風虎豹

燒成灰燼雖天意終人算
帝業幾番更換眺東都虛
蕪玉殿天陰月黑不妨經此鬼
燐紅散隴上耕夫扶犁
閒說久無沈箭更何人猶托
炎精龍種時時稱漢

甘州

博望驛

記乘槎有客建奇謀一劒竟孤遊
致葡萄天馬來從萬里換取封侯
漢骨如霜山積安用月支頭直待
輪臺詔金甲初收博望舊城何處
只三間頽廨改作官郵笑郎當過
客懷古悵悠悠步躊躇空庭蕭寂
任哀蟬吟占綠槐秋摩雙眼夕陽
低處忽入邊愁

百字令

臥龍岡

危岡立馬是草廬遺址臥龍曾伏魚水君臣三顧處雄

略數言而足瑩雪凋戈摩天巨刃計讓綸巾獨吞吳滅
魏惜哉此志空蓄還更展眺低回斜陽秋草引我臨
風哭梁父誰吟聞短笛賸有邨兒來牧拂袖風塵携鋤
煙雨待作高眠熟五湖東指碧雲深鑱茆屋

怨王孫

望夫石

別去萬里獨生寧死魂斷黃沙影依白水化作一片貞
珉盼征人綠苔如髮涼風颭秋容淡清露啼珠點漢
皇此恨應識莫逞雄才棄朱崖

塞孤

病中過
蘇墓

汝南山色好峨嶠底轟轟佳城雙峙聞道二蘇天下士
容不得人間世剛纔忤半山公旋又遇潭州鬼竟飄零

骨埋異鄉地 展笑問兩翁旅病今深矣可許相從於

此還顧良朋頻屬委君試聽吾其死好爲種一科蓬聊

且定千秋計冷松風撼撼吹起

時余病劇囑虞山頂雪邨云我死乞埋於二蘇墓側

小重山

元魯山琴臺

秀立孤峰一點煙高臺當落日草芊綿平原碑壞不知

年翻前志于薦事猶傳景物暮蕭然飛鴻雲外墮啄

空田戍笳羌笛總驚眠携風袖誰更拂清絃

貧也樂

饒瓜亭

公未遇家何處龍門山前鑿龕住口張鷟走如蛇拾得

道旁無主天遺瓜玉鞭飛馬承恩宴政府三嘗御廚

膳朝山青暮山青今我來時不見饒瓜亭

長亭怨慢

雨中度伊闕

是誰劈雙峰中斷夾束伊流素濤飛練直下龍門鯉魚
騰躍趁風便雨霏雲鏤疑恍惚陰陽變石滑馬凌兢望
渡口蜻蛉如箭莫歎任長途人困索把小車停玩平生
快絕定應數此游爲冠又那怕露透征衫待臨去回
頭重看借禿管餘花分取靈竒一段

雪獅兒

香山寺

當年白傅晚節閒身角巾時訪九老何人夢得微之已
往滿公禪杖指點出真空無相消盡了西湖翠黛武邱
花舫而我塵容羞抗攬征衣下馬靈山相向賤不成
名曾感琵琶惆悵旗亭聞唱更結習綺言難忘高僧棒

乞憊多生魔障

南柯子

飯白馬寺

東漢開禪教西方購梵書神駒貝葉現明珠照徧干江
祇是一丸孤法宇傳來久塵心到此無清涼臺上景
蕭疎半世燒沙纔得飽香廚

菩薩蠻

達磨洞

神僧不受蕭梁佞折蘆自渡江波瑩九載坐嵩山西飛
蔥嶺間興亡經百代古洞依然在風急擺浮雲驅車
入暮塵

喝火令

魏野
州堂

古陝傳高士東郊問草堂紅泉綠樹好襄羊曾掩松扉

雙扇不肯見君王
勝地留陳迹
征輪繞別腸
樊邨涇

口小柴莊也有梅花也有碧蒼食也有清溪斜抱明月

在迴廊

近余卜築涇東草堂在樊邨涇口

於中好

韓陵石

當年賀六渾來麼
猛揮戈爾朱摧破子
昇碑下徐郎過
漫嗟賞無能和
南陳北魏如旋磨
但一片兩片歛臥
草間磊磊苔衣裏
沒字石留人坐

玉京秋

銅雀臺

漳水咽千秋
遶臺址翠波如纈
阿瞞總帳當時徒設疑
塚都非葬地問西陵何處藏骨
哀歌徹幾多香淚滴殘
空穴
若果髯孫雄傑約劉郎
連兵撇捩破鄴城登臺

一醉方成弘烈癡絕爭荆楚遂致吳蜀前盟虛結兩分
裂銅雀高棲漢月

瓊瓏四犯

蘇門山

天外層螺乍瞥見蘇門嵐翠飄緲舊有高人峰頂結廬
深窅除却乞雨醫龍總只守半空清峭管領他月壑風
巖時作鳳鸞長嘯養生中散空聞教伴三年未諳至
道火光不用金光法坐鍛火光偏耀可奈燄烈身危燒
絕廣陵琴調向碧雲飛處無限意如風掃

金縷曲

七賢
卿

狂藥非佳味問當時七賢因甚但思沈醉曹馬遞興皆
亂賊魏晉何君可事算惟有酒杯堪對枕麴餠糟張白

眼看俗流羣奉丕昭帝佯作達豈無意
甘心埋照應非易笑山王尚留遺憾始同終異守志五君長不變稽
阮向劉而已仗一節儘能傳世光祿詩篇高詠罷度紅
酣斜日霜林裏清憂玉竹風起

蘇武慢

韓文公祠

直氣批鱗精誠驅鱷默禱衡山雲捲峻峻大節烈烈忠
肝威怵叛藩心轉還有雄文任他籍湜追趨空驚流汗
縱柳州聯轡薔薇芳露欲披先浣是甚時設座西清
衆仙齊拜香火天邊不斷空聞盛事何路羞蘋未許野
人偷展老大羈孤河陽行役無聊荒祠倚徧儘遲回閒
拭塵扉神鴉噪晚

今翰林院中設公
衆主祀爲土神

西江月慢

真茶館

輕絲細縷風翦翦翠煙低掠疑是玉川生依稀猶在月
團親滹傍午牕七椀澆喉渴塵空淨未消芒角漫攪來
清夜無眠靈府欠扁鑰恨桂底蝦蟇憑碧落寓討逆
奇篇手削天瞻終然難救護竟慘櫻鋒鏑算不似別墅
閒身枯枝活火守茶鑪脚盡日裏長抱添丁花下著

霜天曉角

江淹墓

江郎已去留下消魂路當日景純何意將彩筆夢中與
一篇兒別賦一篇兒恨賦滴盡有情人淚多應是被
伊悞

千秋歲

漆園

雨寒風峭策馬蒙城道穿革鞜欹茸帽雄心依火雪生
計無鉤釣來往地茫茫不值先生笑自愛卑棲好休
把高飛校九萬里何須到負天鵬背重控地鳩身小歸
去也南華一卷東窗傲

附錄

浣溪沙

又六月十
七日早行

曉起貪涼夢未圓輕車細馬各爭前滿塍禾黍淡香傳
斜月猶明初魄夜遠山已瘦乍秋天一襟離思散疎
煙

初旭銅鉦挂影圓筍輿斜駐柳莊前郵亭卯酒一杯傳
清露凝珠芳草陌碧雲鋪縠嫩晴天人家茅屋未炊

煙

又

出舞陽城示
同行諸子

老未成名歲月空
依劉賴與素心同
高談清嘯意何窮
愧我挾書成腐豎
愛他屠狗是英雄
閒搔短髮向秋風

又

洛陽
道中

感歎驅車古道旁
周都漢室已淪亡
千年一閃墮殘陽
清洛水聲流碎白
古原柳色帶深黃
早冬天更做荒涼

又

成臯
道中

客裏愁深與病兼
成臯曉發渡巉巖
北來九月氣先嚴

簾
初日翳沙如月淡薄霜侵面似刀銛籃輿空護一重

南柯子

圓轂如腸轉香膏與淚深已涼天氣客初禁凭枕怯眠
人靜暗沈吟澹月微窺幌疎風半入林渡江鄉夢一
帆陰纔到江南驚斷楚天砧南陽古屬楚

又

汴城秋思
寄示小倩

策策商飈動淒淒古意深金梁橋上月難禁不唱憲王
樂府試狂吟薄笑依銀杏清歌憶錦林紅牙拍斷桂
堂陰只有荒雞遙接暮邨砧

祝英臺近

過雁和
胡員輜

驟添寒剛向暮風送雁行度清悄閒庭有客倚闌數念
伊萬里呼羣年年爲旅也耐盡月悽霜苦且須住囑
汝飛過江南傳箇信兒去認著湘簾斜映素梅樹爲言
青子酸時準尋歸路好候我綠陰深處

又

吳興友人對雪懷家填詞寄恨譜其意以調之

曉衾孤殘夢破簷外雪微隨瘦損東陽猶抱影兒臥呼
童半拓窗櫺擁衣欹坐亂飄入玉花冰朶可知麼一
點鄉思隨風冷趁渡江舸飛向房櫳相對撥爐火其如
水渺山重怯寒無那枉憶著謝娘酬和

南浦

被薦蒙召入都留別楓江諸同學時嘉平望後一日也

雪霰冷芸齋正悠揚半空渾似飛絮卯酒注盈觴澆不

了堆腸萬千離緒黯然魂斷未分早作臨分語不知解
纜張帆日怎忍聽歌南浦回思二載書窗共展卷燒
燈吟風坐雨臭味已如蘭交情重更指青松相許王程
漸迫姓名悔入招賢譜異時縱有鵷鸞伴誰是今時儔
侶

高陽臺

余填南浦詞留別諸同學既義不勝情而自山定之
賦翠樓吟玉漏遲送別語益酸楚復拈此調酬之

老矣孤踪賢哉二妙談經高鏤雲關不道清時搜材直
到深山論交有道兼情好奈霎時分散無端最傷心忽
捲詩書一棹江灣吟牋自寫辛酸挑起和歌淒咽迭
奏哀彈觸撥離襟令余衰淚潛潛嚮臯豈是樊籬鳥趁
未飛振刷翎翰但相期指日扶搖竝列仙班

小山詩餘卷三

男景元校刊

小山詩餘卷四

太倉王時翔抱翼填

原字
臯謨

初禪綺語

浣溪沙

三十
關

一東

彩扇輕遮畫燭紅捲簾微步玉丁東
眼波低翦篆絲風
梅額有香人澹澹梨雲無夢月朧朧
暗驚雕刻費春工

二冬

半是含嬌半是慵寶釵欲隨翠鬟鬆
錦窩情態爲誰濃
春淺花新招蛺蝶夜寒香燼繡芙蓉
一彎愁思駐螺

峰

三江

覓蕩尋蓮好涉江
明星雖爛有驚龐
爐煙消盡撥銀釭
夢裏吹蘭聞繡枕
月邊和影竝紅牕
不應猶道未雙雙

四支

小閣芳蘭供一枝
黃昏燒燭看幽姿
素屏纖影對移時
巫峽休猜成楚夢
湘臯惟借入騷辭
國香長繫美人思

五微

秀色由來可療飢
忘餐相對復相依
無端杜宇喚春歸

暉

圓怕珠光多不定輕愁花片易教飛赤闌干畔凭斜

六魚

一寸柔腸萬里紆好天良夜悵離居獨揩清淚五更餘
情重何妨添病重形疎祇恐是心疎西樓斜月竟何
如

七虞

繡帳輕褰起欲扶翠尖如揭曉山圖綺牕花笑一塵無
路近藍田多美玉夢經滄海盡明珠人間猶有阮郎
孤

八齊

楊柳梧桐翠色齊
小鸞幺鳳鎖雙棲
夢中仙路有丹梯
玉簫分明花氣重
瑣窗蕭淡月痕低
惺忪那易到如泥

九佳

小院秋光似畫佳
海棠紅映綠莎階
幾番閒立寫風懷
錦瑟怨時知意忤
玉琴調處識心諧
可能親遞鳳皇

釵

十灰

繡榻凝塵畫燭灰
四垂簾幕映蒼苔
怯春人臥燕飛回
花信不隨風信發
愁絲偏接雨絲來
冷冷清清地自驚猜

十一真

流水桃花一段春移舟洞口祇逡巡路迷惆悵在風塵
俗客自傷難換骨仙源誰許易通津始知薄福是漁
人

十二文

誰把雕籠翡翠分相思兩地不相聞繡簾遮斷鬱金裙
新恨多於春後草幽期變似夏來雲楊花時節倚西
顰

十三元

細雨尖風欲斷魂落紅庭院又黃昏麝煙金鴨被微溫
無計可令春睡穩空言亦是玉人恩分明曾許拭啼

痕

十四寒

香玉初消不耐看
誰憐弱骨更珊珊
一聲歸也淚偷彈
跡似燕來逢雁去
心同蓮苦帶梅酸
枕頭欹側五更寒

十五刪

短閣清燈照影閒
碧雲杳靄隔銀灣
蕭蕭暮雨灑花關
燕語呢喃飄枕角
蝶魂離合向屏山
依稀記捧玉纖彎

一先

十二紅樓鎖碧烟
飛瓊萼綠自嬋娟
驂鸞駕鶴戲芝田

年
隔箔異香霏作霧
隋懷明月遠於天
玉簫聲歇夜如

二蕭

鬢髮輕垂壓紫綃
薔薇露浣玉葱嬌
倦容初起勾魂銷
日射粉梨光似頰
風搓絲柳細於腰
小闌斜倚恁苗條

三肴

畫閣深沈燭影交
鏡臺拈韻互推敲
夜闌斜月在花梢
皓齒半含窺淺笑
紅霞微漲被輕嘲
鴛鴦何事不同巢

四豪

撥翠山光浸碧濤琳宮移步鳳尖勞暮歸紅燭照吟毫
畫舫春遊人更懶繡幃濃睡日常高隔簾休把綺琴
操

五歌

玉藕絲長未上梭文鴛欲織又蹉跎最無聊處看橫波
人到淡黃方豔極天交新綠得春多薄衾涼簟奈愁
何

六麻

一翦輕風一片霞玉鉤新月畫簾斜柳條纖軟不勝鴉
暝褪錦衾微見雪香霏綃幔欲籠花可憐春夢落天
涯

七陽

標格寒梅韻海棠全身當得翠紅鄉更饒一種是纖長
畫檻風絲飄瘦影繡裙煙縷立斜陽珠簾八尺限蕭
郎

八庚

珍重疎梅一樹明晚煙漠漠月枝橫對花吟更繞花行
清影似嫌銀燭爛斷魂應逐素雲輕嗅香敲句過今
生

九青

半倚雕闌半倚庭五更斜月五更星幾多沈醉幾多醒
若有思兮雲冉冉最銷魂處影亭亭枉拋心力向銀

屏

十蒸

縹緲飛樓第一層
藍珠仙子夢同登
琅函玉笈紫霞綾
燭暗紅粧容半倚
月明朱檻避雙憑
似生憐又似生憎

十一尤

玉豔凌風颯颯秋
彩雲飛去悵難留
暮烟新月下簾鉤
繁氏定情空有夢
江郎賦別只牽愁
綠波春草在心頭

十二侵

閨苑清虛碧海深
玉柯瓊榦樹愔愔
風裳雲帔稱人心

新月半墻仙鳳杳朝陽一角彩霞沈去來長是費思尋

十三覃

一鏡香雲綰玉簪兩灣秋水帶秋嵐海中明月夢中探
修竹多依花燄燄古梅偏傍柳毵毵牽絲千尺老春蠶

十四鹽

海燕雙歸宿畫簷玉樓人遠暮寒添夕陽紅盡暗疎簾
悄悄心期辜眼底沈沈消息壓眉尖錦衾空有淚珠淹

十五咸

離思紛紜那可芟消魂橋畔挂輕帆柳花憎殺點征衫
遠樹重重還隱隱亂山矗矗更巉巖癡心猶是望泥
緘

禪之意如夢中獨醒禪之景如雪後獨行禪之心
如么荷尚屈而香性已透禪之學如妖狐拜月磨
磚作鏡不得不休禪之色白衆采悉後起之數禪
之聲希羣籟皆因感而鳴是以世間智士叅禪不
如庸夫緇流叅禪不如美女富貴叅禪不如貧子
身貧非禪心貧爲禪心貧非禪官貧爲禪官而能
貧則在武用菩薩法以治軍在文普雪山行以臨
民觀夫簿書鞅掌即三乘金經也衙吏唱導即四

種威儀也催科撫字即種獲福田也枷鎖解脫即
拔度地獄也陳眉公云人不知禪生老病死四關
誰能透過古人泛舟入五湖杖屨入青城山他年
未必不死直是不見末後一段醜境耳髮僧又閒
久已識破此關故非道非釋亦道亦釋前歲事賢
曾叅涇東座下乞與証明涇東笑而不答日來魚
鴻相問開書得浣溪沙三十首自一東至十五咸
題曰初禪綺語嘻涇東不綺語人也然味其婉嫵
娉婷恍若卷幔見衛芳魂妍態恍若覆翠覓鄂愁
紅怨綠吹蘭語影則又若抱煙冢門碎枕洛水舉
不能盡其綺矣異哉涇東豈有心於綺哉世人有

目而迷色則垢生焉故不綺有耳而溺聲則竅塞焉又不綺以至鼻之臭舌之味身意之觸法而皆有所引焉有所陷焉亦復不綺烏能如涇東灑灑落生根塵明淨如是其綺焉哉且綺更有二義漆蘭消勺臨春月殿極聲色之殊致古今之所謂綺也泰定天發杜幾地文收澄明之覺性吾涇東之所自綺也玉茗先生爲長孺兄弟墳箎題詞云學佛人作綺語當入無間獄慧業人作綺語應生大羅天涇東前身殆天上人歟直爲一大事來作好官耳今即以涇東綺語爲旦氣箴爲訂頑注亦何不可酣堂髮僧李光墀又閒合十和南敬跋

旗亭夢藝

謁金門

人似玉斜坐小屏山曲病顫歌聲花氣促更誰教飲竹
各向衆中稱獨欲買千金未足一點文人心感觸賽
明珠百斛

清平樂

水闌斜靠細看描花巧墨點朱唇含淺笑竝向綠波低
照金丸忽散鴛鴦可憐未盡柔腸半日清茶相對不
知幾許猜詳

蕃女怨

碧桃花下相送後知是誰瘦錦牋書羅帶淚兩邊難寄

懨懨心地立東風暮寒中

荷葉杯

曾記綠楊庭院一見方寸結丁香
彎彎眉黛眼長長閒裏細思量

欲問新來消息難得怨句在無題
夜來愁緒對紅梨斜月過花西

烏夜啼

斜月斜風庭院輕寒輕暖時光閒
行踟躕空階靜暗憶杜秋娘
一霎吹蘭低語柳金梨雪花房
乳鶯啼破東關夢儘勾換淒涼

浣溪沙

意外逢歡把玉纖夕陽羅袖傍疎簾黃花紫蟹正相兼
飄蕩風塵歌更怨瓊瓏心地語猶尖夜深銀蠟醉教
添

虞美人

柳陰陰下絲絲雨白傅堤邊路翠峰雲鎖映春流應似
玉人睂黛鏡中愁遙思分手南園地滿徑楊花墜數
聲橫笛畫船中喚起一襟離恨散東風

減字木蘭花

玉蘭

廣庭清絕幾樹辛夷開白雪看到深更一色惟應待月
生衣裳淡素却立風前香暗度悄憶前歡如玉人人
也喚蘭

南柯子

握藕香沾靈垂珠淚滴紅分襟地是桂堂東一徑斜斜
鑄就寸心中夢易驚兒喚書難燕子通晴絲輕裊斷
魂風小醉清愁無日不朦朧

又

客裏新涼淺閨中舊恨深杜蘭香遠思難禁小扇蠶書
偷展自微吟錦瑟塵懸壁瓊簫響散林石榴裙曝柳
邊陰怎忍寒衣獨上少君砧

訴衷情近

晚香庭院簾卷西風人瘦驚看真比黃花痛惜惟持翠
袖無限向時深意欲語都慵咽淚頻低首鴛盟久幾

載人前難就怨歌重唱尚有芳心逗依然又夜涼衣薄
秋燈影裏坐醒殘酒明月空如晝

侍香金童

湖石苔青携手牆陰滑記細檢垂絲簪膩髮別了匆匆
春欲歇花信薔薇單衣三月料南園一架紅酣應亂
發負繡閣佳期須罰風月慊慊支病骨倚醉孤眠夢尋
羅襪

惜黃花

吹花開樹驚花落樹是春風是秋風總無憑據憐也不
成憐妒也何須妬更禁得滿空飛雨一時歡緒一生
愁緒要相逢不相逢那人何處若說待來生已被今生

誤且分付斷魂歸去

醉落魄

團冰握雪天公幻箇人孤潔最憐誤向風塵撇貌似春
花命似欲凋葉 歌邊一見曾相悅重逢草草悲生別
新來真箇音書絕歡似浮雲愁似乍生月

花犯

古金昌薜蘿小巷斜斜帶疎柳狂朋携手認拂面青帘
憑檻紅袖畫船移近山塘口清歌連夕酒燭影裏細評
花朵香蘭何處有 眠前夢後暗思量淒清獨自歎雙
眉還皺曾記得怯秋微病人消瘦疎簾下一燈愁話從
去了知他無恙否又怎忍別尋歡笑深盟忘却舊

西江月慢

珠簾夢醒閒院宇霧絲煙縵浮浪惜春殘癡魂搖漾柳
花如雪縱徧尋巷陌靡蕪鈿車路滿也成愁結念繡裙
曾送回廊半醉怨輕別歎綵筆知音今世絕只俊眼
能憐英傑破袖郎當紉綺內怎這般情熱自別後錦翼
難憑當時真悔離杯漫啜更甚日細把斷腸心事說

玉漏遲

嫩樹山塘路一篙水漲買舟春渚佳約今朝昨夜數完
更鼓憎煞天公惡劇忽驚斷碎風零雨愁如許綠波春
熾怕成虛負記起故里狂游有小閣蘭香尚沾衣縷
別後柔情暗繞煙江東注憑仗訪花沽酒略能把此心

分取今更阻登樓看雲無語

解語花

桃扉舊笑芸館新愁裁書已成還毀幾度江頭問行船
杳渺煙波天際楊花亂糝拘不定心情渾似何處忽傳
芳信到黯黯消魂死平生黃卷誤我燈火十年贏得
恁憔悴不道真娘世知稀猶借青衫名字評花偶爾翠
袖紅巾空染淚國士更誰能識得肯繡平原未

探芳信

碧紗靜又脉脉離愁懨懨酒病記小園重見幽蘭一枝
冷吳閨枉作看花夢香色何曾領要歸時紅燭明心青
禽傳信休負此清景趁溪閣秋涼月簾宵永誰道今

番佳約杳難定閒中多少癡心意欲說無人聽空階
移盡斜陽樹影

夏雲峰

抱觀堂
納涼

淡晴天雲峰裏一霎細雨斜穿招動碧梧風影葉葉清
圓小衫團扇湖石下靜聽幽蟬暮景入斜陽盡處紅近
池蓮憶昔雪藕歌筵有人向水窗雲檻留連今日杳
把花冷文字通緣品詩選竹和勝友好句新鐫露坐久
杯傾重碧月隋疎煙

又

紺寒閣夜
坐用前韻

晚涼天疎簾挂簪髻茉莉初穿同坐枕溪閣子壁月光
圓竹風梧露幽絕處時曳吟蟬玉簟冷膽瓶澂碧斜倚

瓊蓮 隔宵文酒盤筵又今夜綠窗茶讌相連誰話渡
江桃葉記起情緣合歡紈素殘句在一寸心鐫悄倚檻
新愁似海昔夢如煙

春草碧

梅花書
屋雨夜

竹聲打合梧桐葉夜雨泣離情聽蕭颺獨自却繞行廊
拍檻哀歌淚交睫和倦倒牀眠難安帖憶著細細青
眉圓圓紅頰別來定何如愁千疊密意猶未相傳傷心
已判鶯花牒殘夢半模糊驚魂怯

滿路花

玩芳齋聽赤松
山人彈琵琶

空山風雨夜離思渺如年故人憐寂寞撥哀絃嘈嘈切
切彷彿落珠盤聽到酸心處起立簷前勸君不要重彈

小花深院那日遇嬋娟玉纖曾一弄怨歌傳青衫濕
後餘韻咽流泉觸起愁千疊燈火淒然此宵休望能眠

最高樓

午日感賦

龍舟渡疊鼓鬧中流兒女盡嬉游玉人良會虛蒲酒金
釵偏見點葵榴看花心圖醉意一齊休奈雨裏丁香
空挽結奈萬轉柔腸無處說情脉脉恨悠悠旗亭怨句
高吟罷清江落日滿離愁驀心癡疑汝在轉凝眸

憶舊游

出旗亭餘響乞西齋書僉鶴汀和篇

記箇人初見對著東風把袖言愁特喚起江郎恨事爲
拈賦筆竟不能休題殘百紙淒怨暄景變清秋儘收拾
新篇裝成小本待寄紅樓笑書生寒乞欠碧玉黃金

此是經頭簽題須鄭重有風流一老能作銀鈎毛公近
推長句憑仗壓江州文字倘傳留濡毫拂硯吾所求

南浦

書秋槎爲蘭生代答詩後

銀瓶綆絕看沈沈金井一何深重憶海棠天氣雙燕舞
春林花底分飛無奈有曉風暮雨伴孤吟似清猿獨喚
斷鴻高喚誰肯和哀音多謝何顒好佛掩金經忽起
化身心約略調鉛吮粉拂袖寫離襟若是玉臺眞作較
情深意不在同衾算不如相見泥他簾下訴瑤琴

夢玉人引

桃花渡紀事二闕

古城灣向樹簇簇水潺潺潛訪幽居破苔輕叩花關扶
病迎人有淚痕腮尾侵寒欲笑又顰歎相見眞難背

人低語道別後塵鏡不窺顏知是君來今朝一理香鬟
孤幌空勞夢天涯何處山寸心恨兩眉愁都不曾閒

一絡索

雙扇題詩愁別意碧筠新製幾年風雨泣湘江染盡了
斑斑淚 誤納佳人袖裏怕添憔悴索還未許但須藏
慎莫展相思字

選冠子

過潭影軒見蘭生所寫
墨菊一枝悵然有作

蕩日晶簾熏香螺几依舊畫長人靜屏間按曲燭下傳
杯腸斷早春芳景空約佳期流水桃花參差難定況心
盟斷絕鏡鸞分舞已成愁病 猶記得小疊銀箋斜渲
淡墨自寫幽姿傲性人能耐雪花亦經霜做弄滿天淒

冷檢向晴窗仔細重看風標暗省待九秋涼月試按淡妝孤影

陌上花

皮絕詞
三闋

誰知重得逢君却在荒江茅屋注眼相看惜殺憔悴玉旗亭百首淒涼句空寫愁腸萬曲竟何堪惹起風狂雨橫摧蘭殺菊故知來決絕有情無語鳴咽啼珠簌簌拆斷連環天也妬人心足好風明月羞重對此去前途未卜這情懷分付殘春杜宇一年年哭

齊天樂

桃花扇底歌聲在淒清竟甘如許嫩菊分秧新篁倚粉料理閒中心緒萍踪偶遇只杯酒留連春前一度便託

深情紫騮不繫閉門處 須知非忍薄倖兩人同一恨
相對難吐章句酸才琵琶小技沒殺奇男俠女此離最
苦更莫望佳期與諧鴛侶咽淚歸來渡頭風送雨

一萼紅

憶前盟爲共憐薄命不是世間春健士青衫幽姿紅袖
天意教作愁人一番見論心繾綣兩番見生別淚盈巾
我亦男兒卿尤奇女未信終分漫道風波可畏倘風
波不隔不顯情真月莫重圓花休再放判却兩地傷神
又還笑清談有分何曾向夢裏覓行雲但得同心天涯
總是相親

小山詩餘卷四

男景元校刊